


羅近溪文集

五之上




漢書門	
一〇三九	號
七五	函
一〇	冊

內閣文庫	
一〇三九	號
七五	冊
一〇	冊

內閣文庫	
番號	漢 10394
冊數	10 ( 9 )
函號	314 63

別集


共十





羅明德公文集卷之五

門人黃文炳 李登瀛 吳世忠閱



不肖三孫懷智伯愚生彙編

孫婿鄧林華君寶甫

萬先 萬春

曾孫羅萬里 萬慎梓行

萬俊 萬德

憲帖

諭宣慰罕拔

帖諭木邦宣慰罕拔 天朝待各宜慰最是加厚但

近日被莽噠喇威脅不自分曉遂去助他作亂侵占  
信地殺戮良民罪惡多端今軍門奏知 天朝大兵  
百萬要行征討我今掌管金騰密切訪得汝家原是  
世代忠順雖汝順莽亦非出自本心但 天朝風霆  
震烈勢不可當汝須尋思趁今我在早早回頭不可  
犯遲但要還我一張結狀差的當頭目來此領受金  
牌未遠聽從臣服我即為汝轉 奏赦除舊罪加賞  
新職大兵到日只一路攻殺莽噠喇更無一毫損汝  
豈不是一場大好事又若能串同大眾小心用意勸  
令莽噠喇一起齊來歸順則汝功劳又大而陛賞又  
多汝若再不曉事 天兵一來恐莽噠喇未征而汝  
在近處先受慘禍其時雖欲求我免汝我也無可柰  
何矣莫差莫差

萬曆四年正月初三日

書牘

東季鴈山郡守

惟我公祖厚德渾成英標挺立涯涘無容識窺底止  
未堪量測某仰承宿契傾企下風者久矣昨乃洞觀

冲襟馮豁溫問是則忘喬嶽而需拳塊釋渺溟而挹  
杯浮也某自受命以來屢求仰荅萬一顧我公祖臨  
蒞數月凡所措施於郡中事理整頓似已無餘即欲  
瑣瑣指陳亦覺贅縷無謂今姑掇拾素所究心者奉  
塵台覽是故老生之常談然千慮一得未必無少補  
於分寸也某聞之先輩云人在仕途自作郡以徃資  
級漸尊去民益遠凡所施措類多彌文而鮮實惠求  
如作郡之朝發而夕至念舉而澤流何啻倍蓰而千  
萬也哉故達者於此三年之間一刻無令虛過凡民

之所望於我而我之所加於民者真若家人父子之  
相需骨肉恩義之兼至則功力止在三年而譽聞足  
綿沒齒即將來子姓亦世世猶藉餘休所以語其立  
德雖潛而特顯語其建業雖隘而彌克語其揚譽雖  
暫而極久惟以燥心處之鮮不入寶山而空度者矣  
至於古人稱述二千石者必曰循良蓋循者率其所  
固有而良者本其所自生循則氓造作於外而良則  
息意見於中故誦循之一言令人興純實之想誦良  
之一語令人啓愛戀之私詩云愷悌君子民之父母

此則循良之切誅也是以有識者雖處臨民之位實篤親民之心所最貴者無分遠近大小使之皆洞見我上人公平正大之心向其所欲爲背其所欲去明如照燭而弗疑信若斷金而不易已意既平衆志斯定故勢殊者必以法運地密者可以心孚此守令之所以大異諸司若臺閣之尊則無復論矣然孚心之要維三益僚友者昆弟也貴聯之以情縉紳者賓客也貴接之以禮生儒者子弟也貴育之以恩否則僚友解而法紀相乖縉紳離而議端浮動於是而求上

下之心之孚也得乎哉又先輩嘗云宦績之在地方已雖極其用心民亦使其爲福及更數手未有長水不變者惟廣收英俊子弟而善教之或以文藝或以理學開其顛蒙而作新志意則相傳習久而彌昌譬之嘉禾珍果初止一芽後幾滿叢矣是則恩在生儒視諸僚友縉紳尤其所宜汲汲者也然作守聲華自循良之外亦有以廉名者亦有以能名者廉則重其操持之峻潔能則多其事績之昭彰此近世共稱卓異而視諸循良効驗誠便且捷也而古人卒舍彼而

取此者何哉蓋作其氣而力易墮頽濃其情而味非  
雋末也且既謂之循則規條中可憑仍而事無難集  
謂之良則心體本自明淨而人無難知循良自足以  
該廉能彼亦廉能而已矣則去循良何啻千里也耶  
但計其末後享之終身而延之來世其得失多少又  
何啻千里也耶某竊觀之入之事功每成于資之所  
近若我公祖順應之才休閑之度和雅之容於一切  
戚欣夷險似了無芥蒂於襟懷亦寂無幾微於顏色  
此循良之在我公祖真天植其性然者豈非地方士

民百年之盛際也耶某復以江省列郡叅之其富饒  
貴顯愈於吾時甚衆至風氣清淑而不俗質習平柔  
而鮮闕生業安阜而無苦庶恥崇尚而弗紊上惟無  
令令則即從上惟無勞勞則即効現雖列有藩封視  
之他所亦恭儉大不相類以茲地而更得我公祖之  
盛德雅度臨之在我公祖又復內正其志外省其方  
即數月之善政善教以終且成之雖欲不以循良稱  
之得乎哉雖然正志之說如前亦少悉矣若省方之  
意請更爲我公祖詳之大都肝郡爲邑者五而邑之

風氣各各不同如南城則地廣人衆山多田少谷食則仰之各縣財用則藉之商販故民間勤苦而重費柔奸而巧取若上人好嗜少偏則多方中之徃徃入其機局苟能率之以正則趨而之善比他邑將爭先矣至若縉紳士人安分守正恭慎無犯不徒遠過各邑即合省亦爲寡儔其次則廣昌亦甚相方但直率淺隘人雖寡過而終多陋習至若易治則與南城等耳若恃志相高人侈服用南豐其最新城近亦類之乃瀘溪界在南城之間其風俗亦大率相仍某嘗早

夜靜思晷維畫一之道以生化吾盱最先莫如鄉約大集士夫舉監師生髦倪每月朔望講談孝弟倡率和睦俾一切郡邑俱知歸向其次戒約左右暨佐幕官僚清白一心以承休德間或出示廉訪而警惕之久則自成風矣至於詞訟不能不受而問斷復宜從輕則縉紳無囑託而吏書無弊擾衙門凜肅體統尊嚴血脈貫通恩愛流洽循良之譽廉能之績不於我公祖今日而復見哉

東許敬庵郡守

前蒙我公祖見諭往時克己之教不以爲定必欲改  
從舊解鄙心聞之殊爲傷切尤重珍惜譬諸楚璞剖  
判方耀精絕竟置荆榛莫登廊廟雖在途人恐亦不  
能不增未嘆也此豈我公祖聊試鄙意之推机耶亦  
將歛藏以俟時發耶不然不宜睿識之易動若此也  
蓋孔氏求仁其直指名仁惟曰仁者人也夫已非所  
謂人耶劉獅泉說顏子博約重二我字而深荷首肯  
夫我又獨非已耶况最可憇者仍是本文爲仁由已  
之已字豈上纔去此已而下安得已即去而即來耶

伏願公祖爲孔氏平生求仁憐其苦心又爲孔氏平  
生訓仁不作他語而憫其專志仍以膚言所刻重復  
繹思大更顯發斯不謂復見天地之心也哉又不謂  
功在吾道爲獨得而福造天下萬世爲無疆也哉前  
而我公祖數次俱曾舉孔門宗旨然承諭以學問不  
必盡同而貴着力堅切某時亦知尊嚴責備荒怠之  
意罪咎莫容但狂夫有言聖人必擇固未有其宗不  
定而其力可專者也况此說又是素所名言者耶伏  
望留神願俟札示



報許敬庵京兆

不肖今年七十有三改歲則孔子道遙曳杖之日矣  
回頭四顧滿眼一空雖甚痴呆亦何長短之較勝負  
之爭耶第汲汲者以不肖之心未白而一得之愚未  
通焉耳天下亦大矣天下之人萬萬其衆矣能必其  
盡白且通哉蓋不肖受知公祖父而且深私心竊計  
謂此生決無不相亮者乃卒之生平所學愚人之  
一得而出於千慮者亦竟諄諄藐藐付諸罔聞此則其  
所甚不能耳耳故前劄之投先則辨之蓋深爲兩人

平生惜繼則亟以一得之愚陳之蓋亦深爲兩人收  
之桑榆望也展誦來諭乃謂不肖祇爲辨謗來者此  
則又其所甚不能耳矣孔子曰不知言無以知人不  
知人無以爲君子故神聖如孔且猶難之不肖非知  
人者而妄許其能有知蓋不肖之爲人也嗜好不他  
着精神不他費惟是此學以係命根大幸苦心不負  
早遇至人將語孟學庸以及易經悉滌塵埃晶光天  
日三十年來穿衣吃飯終日雖任人寰注意安身頃  
刻不離聖域是以披瀝矢心號呼世夢中或觸怒生

憎萬堯將不悔避此等去處公祖亦信其不爲妄語  
但臆度尊見之高明雅度之純粹見不滿心聞不當  
意輒笑以爲何必乃爾爲也况衆人之不知又百倍  
公祖則不足之說又將何所不至哉尚賴二人相處  
原非起自世情故全交至於今日否則閑邪去詖又  
何所不至哉而又何必訝且怪也哉且不肖固非能  
知人者然生平於我公祖則不敢諉以不能知也蓋  
我公祖具博大之體生平必欲爲聖賢抱淡雅之懷  
生平不欲隨塵俗故人品超出群倫操持特立當世

不肖自受知以來卽傾心願學而媿循未能至中宵  
靜念不免隱隱傷疼悄悄憂患於恍惚疑信之間者  
則以命根世界尚難解膠脫漆而洒然自決也此在  
公祖博大淡雅之中不過千鈞之一髮而雙目之纖  
埃已爾信能惟博大之是充淡雅之是極其超群倫  
立當世稱之賢聖亦無不可第難保無明眼者覩乎  
其後况區區芹曝有學問一着願恭獻於左右者於  
前言亦互相長也昨見公祖所著大學甚是精詳但  
最初眼目獨欠開張譬之奕局王將不專砲馬徒紛

通漢子文集卷五  
馳矣明德也者奕局之主將也非孩提良知而德可謂之天明也哉知出思慮而知可謂之天良也哉中庸大學原自禮記接出禮經書目現存先中庸後大學蓋大學規格多重設施中庸平常乃其基本故明德率性日用平常乃是二書張本今天下萬民萬物俱平常過日獨講學者便難語此其病皆以最初用功不開心體廣大只去執持念頭不聞知體本明只去講求物理今欲反歸平常千萬無一二肯轉不思平常不轉則千百無一二可成蓋是以稊稗為種而

欲五穀之收以荆棘為根而欲桃李之結也公祖與不肖共話三年只是克己己字兩人稍合後竟為鄧潛谷所决裂殊不知己字一裂則徧地荆榛令人何處安身而立命也所幸潛谷今已少轉獨公祖不得一會故中心甚是懸切噫不肖衰老已甚豈惟一會之難即此書能更幾通哉萬望不以不肖之志行曠蕩為嫌而以不肖為道專切為憫放懷降志誠為不肖一致沉思焉但一念轉移頃刻河山立換千古大快决不敢虛公祖從前厚愛如或肆誑尊前天必厭

之中心憤激無罪毫妄重懇至幸

報焦漪園太史

舊號從吾

范婿歸京中多荷我從吾接引且知諸大老相與日衆日隆方深慶幸比奉手教於不肖尤深愛護其眷注責成羨意溢於言外竊窺我從吾之用愛豈惟不肖已耶蓋愛斯道愛斯世而不能不於不肖加念也古云投我以菘報之以李從吾之愛我若此不肖獨不思所以報從吾哉晦庵先生謂夫子志學志於大學大學之止至善只是學古之大人欲明明德於天

下耳欲明明德於天下卽是立己立人達己達人而爲仁也求仁之方則又只是不怨不尤反之於己而設身處地焉已矣蓋人之所以爲大者非大以身也大以道大以學也學大則道大道大則身大身大則通天下萬世之命脉以爲肝腸體天下萬世之休戚以爲爪髮疾痛痾癢更無人相我相而渾然爲一斯之謂大人而已矣豈惟孔子卽伊尹身任先覺亦曰視民之溺猶己溺之今世道之根本在此學此學之根本在交朋友朋不能相信不免誹議豈盡其本心

哉亦以得失之故聞見之偏蔽陷其心之良所謂斯  
民之溺大人視之正思被髮纓冠奔走救援方是不  
怨不尤之恕而欲立欲達之仁不此之尚而惟適已  
之便焉此在沮溺之徒則可擬之夫子望我之心我  
與從吾自待之志其可與否恐不待辨而自明也至  
不肖舊年之行鄙意專在從吾從吾之志天下萬世  
之志其力則天下萬世之力相見即承傾倒久至三  
月竟無一息參商竊喜天下萬世終將賴之不肖自  
茲長往亦可瞑目何期火力稍遠呈色遽難取足擔

當大人猶似不能不却步也不肖於此情甚莫堪惟  
望我從吾很加憤發於一體分上願動慈悲於軀殼  
念頭痛加拚捨奚止留都一時異議霧霰零消即天  
下萬世公評天開日朗福德則為何如慶幸則為何  
如翹首高明誠踰飢渴

與詹養貞侍御

前劄論心覺亦粗疎大畧有激於時俗為見每外事  
為以求心體至求心體則又不悟真幾而落景象更  
不思天體物而不遺仁體事而無不在故俗流外事

觀心則所觀皆成見所見皆著跡如云事去事來又云無疑無滯理雖似妙說雖可聽然畢竟生於想望一段意思原於吾心神明變化當下已自錯過而起初亦未透悟也噫孟子之言大人在不失赤子之心今只將不慮不學認爲真心又將自己日用飲食認非慮學從是而引伸觸類不拘巨細公私無非是事則無非是心無非是心則無非是慮無非是慮則亦無非不慮以爲慮無非是學則亦無非不學以爲學久久純熟景象將自超脫而真幾將自契會又何難

於大人之神化而又何異於赤子之心之天也哉問嘗中夜靜思古聖不曰心體事而無不在乃曰仁體事而無不在蓋心者天地人之生理也即心即事則生生不息其幾既生則其體自仁故渾厚每從生出而薄劣多由念起此皆涵養之妙諦而尤當官之要術也臨楮不覺贅綷惟高明采擇幸甚

東鄒南臯吏部

竊惟江鄉在宇內直躬表樹代有名人求如我丈之肩任綱常主盟道脉且言出由衷冲融懇切見者欣

動而不容已則固未能多得是非涵養時發而精粹  
獨詣之徵耶某索居荒僻每思奉候用終誨澤况昨  
者大旣俯賜齒及稽首稱謝心猶戀戀顧衰病縻留  
尚難自遂茲小孫懷智卒業南雍輒敢冒昧申啓并  
致小刻上塵清覽近日山居探討畧見刻中似謂吾  
儕學問直爲繼善成性本諸天命信有諸已而可欲  
莫尚則不厭不倦原非強作以致乎其情而孔子  
載精神固取諸當下而自無殊矣至於儒先所論工  
夫各各有據然指歸大要須必以是爲最先也荒鄙  
之見乞丈大賜裁割

報鄒南臯中丞附

羅懷智

張孝蕪至五舍第歸兩接手札惓惓以修行訓勉懷  
智雖不敏請事斯語矣第智自廿四志學以來矢心  
不負先子故晝所爲夜所夢務期可與天知而對人  
言如是十四年適得趨侍講帷荷函丈提撕暨塘南  
先師息心靜求之訓三益軒中恍然覺悟始信先子  
之學惟盡分於子臣第友復禮於視聽言動而已柰  
緣淺福輕值妻兒疊喪家業凋零毀病日侵行拂亂

爲郎欲再趨請正褻糧爲艱屢中止耳然而不負先  
子初心則愈堅也壬子鄔太尊自擊從姑頽敗訓智  
須講有用之學勿事姑息之仁因思象山先生理家  
而學益進於是葺從姑復僧田修宗譜申祠規凡先  
子未了之事代完之今爲盜賣載碑祠田者訟于項  
太尊矣以三十年學道之人因首相見有負門下教  
誨百死莫贖奈何雖然人之毀已由已行有可毀耳  
人不信已由已行不足信耳懷智今後益加策勵敢  
以彼爲妄人而不自反哉抑智猶有請焉吾儕碩學

孔聖觀其言德之不修由學之不講言仁守必先言  
知及是初學當先講明知真則修德徙義改過仁守  
莊蒞動禮盡善自不容已矣故懷智謬謂悟而不修  
非真悟修而不悟非真修何也孝親敬長之行即不  
學不慮之良也舍是即終身無一苟言穢行亦非孔  
氏學矣懷智年踰五十於道無聞倘天假良緣遣女  
事畢明歲得侍函丈於青原仁文之間以終台教以  
畢不負先子初心庶不虛度此生也不識福緣何如

東姜鳳阿宗伯



惟我翁篤志此學久而且定故加愛同志之情四海  
視皆兄弟况在年誼者乎况年誼如某文沐教之最  
為深久者乎今雖睽違不下十載然彼此肝膈似相  
通照如此生於道必涉津涯直探淵底稍有未融終  
難自巳是不惟某可以信翁而翁亦可以自信  
也第某年來放浪江湖覓侶方外中間機竅决有潛  
授若獨學無侶縱謂天聰始難悟人意翁真切殊常  
其所遇又有某所不可測者何時得遂聯榻以盡傾  
倒想翁於某亦未必不在是念也茲小孫懷智奉例  
入監敬令叩臺少申候私計不日買舟東來謾以鄙  
懷請正何如

東周山泉司馬

復真一宿誠慰百年欣荷無盡感刻亦無盡也昨致  
啓耿天臺公謾謂學脉真筌瀆知天涯起自跬步雲  
稍發之寸根當下若非穩妥乃徒卜度擬議於將來  
也末之乎其難副所期待也已我交直有道盟往返  
南北允在同志共沐光垂某茲贅談誠為不量第小  
孫懷智深荷眷注來春擬趨躬叩但不識緣分何如

東陸五臺家宰

去臘送張中丞公北上曾具啓附達左右後台駕南  
來不識可一到否茲小孫懷智應例入監不避竇等  
敢并附贅某生平鄙劣更無似者獨承我翁加念殊  
等憶昨聯床湖寺悉露襟期辱許世緣不滯終惠玉  
成卽雖日遠丰儀晦伏林藪至勉自修習求無相負  
則固頃刻未忘也計精力稍健亦畝榜舟燕磯鳳渚  
之間以近所窺伺者投之大冶餘燔一悉銷泯寧非  
乾坤中大快事耶不識我翁肯終濟拔乎否也

與楊復太史

斯道之流行也寥廓於宇宙活躍於形生其用無方  
其幾莫息然神而明之以參贊乎其間者非人則無  
望焉故曰人者天地之心也自昔有志之士恒皇皇  
汲汲自勉自求於朝夕者固非他有所爲而爲之也  
蓋有見夫身之至尊責之至重不敢自棄以達於天  
地而已然氣弱者委以不勝固蔽者視爲不切而斯  
道之不明不行也久矣吾兄英年竒質世不易求而  
篤志力行獨超俗見所望以爲天地立心而共顯斯

文於既晦者端於吾兄有賴矣惟冀益篤前修廣收  
明麗自得居安以純吾一某雖不肖亦當策駑希驥  
以承餘風於千里也

奉揚復所少宰附

羅懷智

近聞邸報繽紛結附共詆此學茲正吾儕進德一大  
機緣也敢曰無傷日月而徒咎世流之妄議哉第細  
繹先子畏天命之訓夫知無時無處皆是天命則大  
而仕止久速小而辭受取與莫非天命所在天命之  
所在即生死禍福之所在小心敬慎悚然畏懼猶恐

潰防敗節安敢侈然順適耶懷智嚮在永新余少原  
公大會中謬謂悟後方有工夫寸寸節節無頃刻漏  
遺故孔子言知及而不仁守則終厲虛見知及仁守  
而動不以禮則猶為未善此等工夫何等緊切但輕  
省直截視世儒把捉修飾者不同耳倘曰無修無證  
則兀放蕩浪漫者皆藉口率性以自釋又奚怪乎忌  
者之言也懷智預料今日而深為之防矣然而防之  
者非稍涉私計特以日月方中人爭快覩忽遭雲掩  
寧無一時見雲而不見日月吹形吹聲之種種至乎

躬自厚而薄責於人惟庸德是行庸言是謹恪守先  
子畏天命家法以俟天下萬世之公論尤吾儕今日  
喫緊學問豈暇與彼爭是非哉不識伯父以為然否  
東鄧潛谷孝廉  
德養為重祿養為輕此義明甚然非吾丈志力卓爾  
亦未能真實受用也思默兄會京邸道吾丈近功頗  
悉但慮吾丈聰明過人於中庸率性一段不無膚淺  
之厭望時加點檢日就平實為吾道光至願

報潛谷二首

前接手教足見懇切然猶以時勢阻隔未能自遂為  
歎此亦末世常事只志意既定則道體原無方所隨  
在必得以吾兄之明敏特立尚何難於是耶大段人  
之居世不論道德功名大事小事俱要有從容意思  
若欲速則鮮能達者惟高明慎之裁之  
京中接手教啓沃良多然丈夫事業莫大於出處兄  
慎始重進已卓然觀望但不知求志工夫於所存所  
由可備大人之事以合德天地並明日月又惡在也  
若曰集長於諸家成名於多能此則某虛度歲月于

始而知悔悟于今者兄之高明當不坐此然亦不妨  
加察也接引同志最宜小心朝夕比舊尤加勤切明  
德親民聖訓非某杜撰也何如

報宣城戚生恢

手教倦切如獲聚談足見近時向往堅銳見道明曉  
以故精神孚順千里仍咫尺也人生世間只是些子  
克之可以照天燭地貫古徹今何人已形骸之隔耶  
志小氣輕比比棄不收拾遂令孔孟獨擅更無能鼎  
聖願焉不亦大可懼耶幸終無斁以成初美併祈昆

玉協心並馳爲力尤易易也懇望

報志學書院諸生

使者遠臨蒙諸賢同賜華棧倦倦俯慰雖千里跡睽  
而一堂欵洽今昔宛然無異哀病寥寂得此遽覺甦  
息骨肉之雅感難言論孔子云聖人吾不得而見之  
得見有恒者斯可矣有恒士行末節而夫子直以作  
聖許之蓋出見紛華志鮮不奪而弗得弗措雖柔愚  
可以明強有恒之與至誠無息直是一事今時講學  
者以作輒無成十常八九其在郡過辱諸賢雅愛翁

然相聚誠為可喜而作輒之病竊亦憂之昨覩翰諭  
殷勤且知會事聯束日夕無懈則諸賢入聖有期均  
可無負初心而某數載愆謬賴是亦有辭焉其慶幸  
為何如哉伏冀共相砥礪求至大成凡書院經理幸  
各竭心至願

報樂安鄧生維立

令弟來接手教足徵憤發但此學須要精研密察滌  
骨洗髓方能超出世塵不然只在見解上轉換意氣  
上支撐徒自弄精魄耳安能了性命得吾之真樂哉

報樂安曾生應德

真偽本聖狂關頭吾儕講學誰不開口要真乃為許  
多世情包蔽虛談勝而實踐衰徒增種種病障此不  
佞所以提真偽於譜序中為盛族不屑冒曾姓之祖  
者取也執事銳志真修直肩聖道頭以闢偽存真為  
盛族志士丁寧猛力洗刷則信手捻來頭頭是道大  
是名家慶事盛邑諸同志相與道義之情真骨肉我  
矣登雙玉樓有感因成鄙律聊寫相思書以奉覽

上益王潢南殿下

其鄙陋無似然宿世萬緣荷我 國王老殿下睿恩  
眷注故凡遇府中事件可効涓埃必當少伸仰答而  
忘其鄙陋無似也昨因病足廢禮經年敬以入賀樹  
坊始獲一親睿範示諭扁額取用字面竊意賢藩忠  
愛爲上即愛字亦不必易蓋忠則足以統孝而愛尤  
爲孝之實况端王老祖之開先世美增隆自爾赫奕  
乾坤矣至慶賀禮儀初聞士民議論紛紛及閱會典  
與儀註果皆相合但愚民妄謂冬至賀禮不止兩番  
致詞而且一樣傳制今查會典及新刻儀註並無傳

制之文浮言的知其妄但慶賀祝天止是殿下率百  
官致詞以是推之則世府與各官又何必兩番以生  
妄說且於會典無據伏惟再命禮官詳裁以杜人言  
或仍往年預先令旨賜免恩厚尤萬萬也

東當道諸老

某有受業師顏鈞自稱山農生來新鄉中自幼形體  
癯瘠心性壯戇不涉世事惟侍寡母依依就養無方  
戀戀若童稚然人皆目爲痴兒家則視爲蕩子一夕  
偶聞其兄舉人顏鑰談聖賢之學忽胸中凝思七晝

夜即心孔豁然內通後潛居山谷歷九月餘歸則與  
兄論倫理道義沛然若決江河鄰族爭聽興起聯會  
人皆躬行實踐無不改舊從新遂名三都萃和會會  
中啓口勸勉罔非祖訓六條至今四十年如一日也  
母喪廬墓三年服闋出遊訪道拜王心齋徐波石二  
先生之門發憤四年寢食兩忘自言其學必勸勉天  
下人盡爲孔孟始爲兼善然其容貌多朴辭氣無文  
與人手劓初讀多不可句細味之徃徃中其病竅且  
能督孔孟宗旨發先儒之所未發見人有過即相規

正雖尊貴大人無少避忌與之處者僉謂有益身心  
第詞嚴義正久之則不能堪間有聞而未親炙之者  
莫不駭爲狂悖此取罪之由遂致罹茲獄也今幸公  
論以定人皆寬之而 天恩浩蕩 詔許雪理此天  
地覆幬之德也伏思某自幼受業其門承其教育造  
就不啻生成無容置喙切見其居家孝友與人爲善  
鬻衣裝以給生徒之費忍飢寒以周骨肉之貧求之  
古人亦難多得即今年已七旬奄奄氣息完賍發解  
無有定期坐待枉死痛難忍默輒敢自揭赤衷匍匐



泣訴伏乞高普神明之照廣敷雨露之膏特遵 詔  
旨早賜蠲除俾獲終於正寢庶無負乎勤修斯人爲  
善之心將來不阻名公陰隲之報可保無疆爲此激  
切惶悚具狀以聞

柬合省同志

江右名區賴諸先達講學立會在諸郡邑興起已非  
一日矣所少者通省合併一會不肖昨吊周巡撫公  
于省中獲接宗師岩泉徐公惓惓此意其時在會諸  
縉紳共議會于南昌塔寺歸途以告吉安諸縉紳咸

謂省中事體未便惟永豐地僻路均且聶泉崖兄力  
任供應茲幸議定敬報貴邑諸道宗更相告約凡縉  
紳士夫及高尚隱逸俱以來年二月中旬爲始悉赴  
永豐共成合省大會誠我 明宗社之福而吾道大  
明之慶也伏冀如期早臨不勝懇禱

家報十帋

從起身一路平安天氣事務皆如意今已到辰州再  
一月的可到任矣合家不須掛懷我自保重且一路  
講學朋友信從者衆此行端不可少况山水甚佳又

述源子文集卷五  
二四  
堪寓目也耶懷義孫去應試要緩放心腸我三十纔  
中東源公四十方中比他人早的更覺受用但把學  
問共書院諸君大家寬心天自有安排也

到任將及三月凡事謝天地祖宗平安如意此中風  
景民淳訟簡亦好調理身心我初意欲告病歸今且  
在此少住蓋同僚與士民皆知何學久之必有可觀  
亦不孤萬里遠來一遭家中大小和氣一團可免掛  
意但每事務要收斂叫起僮僕謹慎門戶千萬

我在此謝天地祖宗合衙皆安樂兩月間將屯田水

利事緒漸漸舉行士民亦甚忻喜而諸同志何學尤  
爲勇往故安身在此少住看何如家中凡事安靜  
爲主叫起諸孫用心何學千萬不可虛過時日也  
居此凡事俱如舊但因永昌有莽賊之報撫院委以  
騰衝兵事謝天地祖宗一到而賊即退士民甚喜再  
料理幾時便還省矣

解人來得家報平安之喜我因此中事簡民淳氣候  
清和同僚士民漸漸信從此學故暫留幾時待秋涼  
方屆歸計家事隨時處置隨時安樂可也叫起諸孫

讀書學好嚴禁家人要守法莫放肆俸銀壹兩貳錢  
收用大相公要看顧朋友莫慢人所云書院事任在  
旁人作弄只要自己安閑古云安知不爲福耶

別家已二載矣喜得身體未衰心懷頗暢初欲趁此  
精神再爲天地間幹些好事近來思慮晚年自家還  
畧受用世上事儘幹也無了期遂決意今歲告休其  
起身早與遜或難預定然意念常有川陝之遊未了  
便亦可往彼一行也大丈夫飄飄物外宇宙爲徒况  
有賢奶奶及二位賢弟軒輅二子諸孫濟濟同心向

道古謂此身不向今生了更向何生了此身耶志已  
決然不須掛意叫起家僕切莫生事書院山房二會  
不可冷落致意鑑湖敬所心文諸君用心爲之自有  
好處

今年入秋精神謝天又覺爽朗官中事亦俱如意更  
不勞合家掛意地方雖遠而山川奇秀意欲大相公  
一遊討有勘合隨時填用任中及路途一應事務俱  
在二相公回來面講不能詳及寄來柴薪拾貳兩奶  
奶收用又大房二房各貳兩八相公十五相公黃巽

所范黃二婿各伍錢俱有書可爲分送懷義懷禮二  
孫喜皆肯讀書作文甚是好事情但切不可令他出外  
與城中朋友飲酒遊蕩縱得發達亦非家門福慶也  
懷智孫文字滑順懷信懷敬二孫破題亦好但再勤  
學又各人閑時俱要歌詩講道我回來考較千萬叫  
起僕從莫凌虐鄉人從姑山樹木房屋往來道侶小  
心看管不得放曠

前得賢奶奶親筆書知在家念經向道一切放下我  
心十分歡喜不想徐宅傳來家信說八相公四月作

古使我肝腸如割一向只說他好了明春回來再可  
聚會今日到此如何是了看來世事真是一場春夢  
老老爹老奶奶過去猶望兄弟長遠匆匆又各分離  
令人歸山之意十分忙迫人生百事可緩惟是末後  
一着最緊勞我二相公扶助奶奶悉心何善將自己  
去來大事明白輕快覺得遇親遇怨遇讚遇謗平平  
淡淡不起一些波瀾不被一些掛礙眼前透得十二  
分到臨時方得一二分若眼前少存掛礙今在心中  
雖止毫芒將來臨時便是銅牆鐵壁千萬重矣望我

賢奶奶用心用意好了又加好細了又加細我也在  
此共加勉力家中事有賢奶奶主張二相公在家不  
要我掛念惟願二位娘子及諸孫諸媳各務曉事莫  
只想要富貴一邊不老實求此受用須要曉得富貴  
多便造業多富貴有時消散罪業永遠相隨人在世  
間只有衣穿有飯吃不被人打罵便過得日子便好  
幹辦自己前程各人早得此手便是各人本事慎勿  
恃着少年須知轉眼便三十四十來了懷智孫成親  
簡易些只此一事就是你受用處你文字甚明順將

來發達不愁只愁你功名心急把學問不上心便是  
中舉做官亦成俗子汝父汝祖終不喜懽終不愛重  
務須急急惺眼也雲南合省此時處處人人皆知何  
善心亦捨不得地方愛戀相留之意但自家身體漸  
老光陰漸短明春決然要回了致意書院諸君要長  
長會聚二相公須時時催趨莫虛度年光懇囑  
二相公歸後衙中事俱如舊我身心亦自在朝夕得  
大相公相伴甚好今管堂印不得出巡止將省中東  
西屯田水利整頓頗有次第亦此方士民百年之利

致仕之意決定來春各房俱要大家孝順則大家享  
福無量諸孫俱要學好切莫飲酒鬪牌如城申子弟  
只論眼前更不思量千百年長久之計二相公尤宜  
鼓舞精神與心文鑑湖松坡竹坡月賓諸君匡持書  
院盡心聯屬切莫錯過時光至望

自離家十四日宿九崗鋪宿得勝關宿鄒村十七日  
到泰寧住至二十一日從將樂水路往福州俱自在  
安穩不必掛意此行為我一生大事不比尋常故十  
分不能自己諸孫不必疑慮但想汝祖已老尚自發  
奮求前汝曹此時更不着力後來怎生是好也有賓  
友來湏管待莫致怠慢千萬

與弟惟道惟慎二首

我自別後一路平安但廣昌寧都相留太久直至廿  
六日始抵贛州巡公相接甚喜計初三日方得起身  
承差官送至武當前途湏作速在八九月歸家起服  
也惟二位賢弟務宜細心學問一日老一日莫孤負  
父母生身師友期望一場將來悔恨無及

我在此身體稍強事亦相安輟兒歸想能道達八相

公十五相公及列位賢侄合家不必掛意但望大家  
共發肯心將身上大事用功求明便是報答天地祖  
宗父母及造福子孫城中凡事望加照管恐有不到  
不妨對兒嫂說從姑山樹木切不可容砍伐至囑

與弟惟慎二首

徐宅信來方知八相公去世我十五相公一向不報  
想是怕我傷心果然苦甚年來因老老爹爹奶奶去  
後日夜只箇與你兄弟相聚求個結果忽然分去如  
何是好此時大家湏要各努力莫又後悔了富貴一

事切莫苦苦用心湏知富貴多罪業亦多早收拾便  
早得受用况載侄兄弟漸漸長成曉事凡百不愁但  
愁他年小只去急急功名把身心大事不肯上心將  
來便做官也是俗人與我家家風不同了豈不可惜  
悲哀中不能多及

四方良朋之來雖愚兄賤名招集亦賴祖父餘蔭愚  
兄固當勉力款待亦必仗吾賢弟共成好事自二月  
至五月湏每月借用穀五担今欲釀酒一缸已有糲  
米一斗再要一斗五升方足幸不訝瑣瑣相瀆

與長孫懷義

合家在外一路平安得甯鑑湖信亦知家下平安甚  
是可喜但人生競競業業不可放逸家中無人要自  
作張王凡事節省不可入官府出街上看顧兄弟讀  
書照管門戶火燭我到寧國士夫百姓相見甚是歡  
喜書院亦極齊整朋友工夫儘有得力者可以此意  
與會中諸君說大家着力不可落後也至囑

啓

請益王潢南殿下啓

伏以胤祚天申藩翰鞏瑤圖於億世人文斗曜薦紳  
襄玉葉於千秋典禮新而國體彌尊德音孚而賓筵  
具美芹情懇猷藻鑒昭垂恭惟益國主老殿下資  
涵睿聖養密謙冲續緒善述乎前王篤祐隆施于後  
嗣慎嚴婚媾念閨閫爲萬化之原克協好述喜儒門  
盡一時之選華軒來乎載道珠履集於盈庭啓梁園  
而授簡侍從叨陪對陶菊以飡英馨香竊沃仰思報  
効俯媿寒酸羞王公以沼沚之毛知干罪瀆納涓埃  
於山海之度亮賜含宏穆卜十月二日聲歌湛露樂



奏鈞天藉廣廈以併幪依喬木而渥潤歡傾壘率奉  
成上下之交談吐珠璣比洽邦家之慶誠爲一息而  
千年信是人間而天上惟祈槩允不盡具瞻

請 鳳南殿下啓

代作

伏以邦家慶集胤祚永奠於金甌上下情孚婚媾獲  
聯於玉樹藉一觴而稱壽占千歲以同休光溢蓬茅  
喜騰燕雀恭惟 益國鳳翁賢殿下德隆孝友禮尚  
謙冲婢忠誠而報國體節儉以率人渾志勢分雅重  
仁賢慎擇鳳鸞之足辱收豚犬之微誼既洽於泰交  
宴將需於願樂聊繫沼沚之毛僭申芹曝之獻願不  
媿乎卑賤幸早賜乎賁臨

謝 益王潢南殿下賜燕啓

恭惟 益國主老殿下情熙魚鳥興洽天人好善忘  
勢開名苑以下衆賓育物對時結芳樽而諧四美催  
花疊鼓草木有知刻燭傳杯身心俱醉蓋封疆之希  
覲而紳薦之殊遭也某等情溢鴻私感深鳧鷖招隱  
擬淮南之賢小山叢桂頌德侈河間之盛大雅登堂  
服此隆施曷由稱報謹此啓謝無任含戴之至

謝 益王賜莖啓

切惟景回南陸名藩淑氣先凝品出西池仙圃奇珍  
普及芬馨滿把鮮彩明眸和露摘來遙憶珠聯萬顆  
倚雲開處爭看色醉九重漁父武陵津花明流水仙  
子玄都觀樹擁芳塵門墻並繁李以飄香几席繼朱  
櫻而薦味信知蟠實非凡共識瑤華不偶報以瓊報  
以玖貴重雅味乎周詩千年芳千年結靈長名言于  
莊叟豈因仁厚根培適際德滋果育均沾陋齊士之  
紛爭登賜恥漢臣之忝竊忻忻笑捧興濃臉上春紅  
踏踏行歌趣淡尊前霞碧伏願祥占青鳥瑞協紫芝  
葉蓁蓁花灼灼榮華長茂乎金枝山矗矗海洋洋福  
壽永綿乎寶籙某不勝懽躍敬啓謝知

謝 世子賜中秋節儀啓

伏以霽擁蟾輝啓銀潢而明通睿照秋晶桂影分金  
粟而馨被儒流仰宮殿之清虛慶雲霞之藹郁三台  
平而有象星拱垣中萬籟寂以無聲風恬海外共欣  
節令獨沐恩私既饌出於君庖更泉分乎仙釀瓊葩  
並峙高從玉樹攀枝綺幣雙陳遠向瑤川權錦藉冰

近溪子文集 卷五  
壺而觴詠徹沁詩脾憑碧落以娑娑斜歌舞態蹤媿  
滯於塵寰神恍遊乎霄漠招紫鸞而導駕汗漫何窮  
呼白兔以搥丹夷猶難老鶴籌添響報此夜于東溟  
龍紀多延占他年于南極謾言緱嶺長調子晉之笙  
翻笑廣寒徒破吳江之斧期當三五圓滿十分擬敲  
壽乎千齡願發祥於百世不盡懽騰聊呈頌祝

回鄧千兵子林華聘五孫懷敬女書

緣從天定盟自今聯春深夏永際時序之清和武耀  
文明快家聲之濟美適蒙華幣兼領瑤函瑞盎庭階  
占時亨乎德履緒綿胤祚期世衍乎慶源不盡歡騰  
統惟番鑒

乞從姑重與蕪軌近溪先生詩啓附 羅懷智

伏以瑯琊名勝千載借重歐公赤壁竒觀萬古寶由  
蕪子地因人傑事以文傳竊惟從姑仙跡實爲肝上  
名山璘珣玉印儼然負海之六鰲聳拔雙峰恍若擎  
天之一柱開鑿未卜何年光大實由先子前峰書屋  
父傳子而子傳孫斗母神光動則變而變則化允經  
遊玩靡不留題陽春白雪無非子美之章鐵畫銀鈎

彷彿顏公之筆名標金石價重璠璣懷智不揣凡庸  
思承先志完璧而歸光復吾家舊物片言必錄懼遺  
滄海明珠伏惟大詞宗某老先生閣下菽苑宗工斯  
文著蔡錦心繡口應精氣於長庚玉版金箱探奇書  
於小酉才高八斗賦敵三都敢乞鵠言用光泉壤留  
題彩筆山增高而水增深色映奎文天與長而地與  
久光重存歿感切生成謹具山集呈覽懷智不勝悚  
慄顙望之至

表

癸酉山東程表

太平興國二年某月某日臣呂蒙正等伏蒙 聖恩  
賜臣等一榜及第謹奉表稱謝者伏以熙朝拔俊材  
賢幸際乎風雲上國觀光恩命忽承於霄漢詎謂策  
名之始獲沾連茹之榮青布生輝儒林共戴臣等誠  
惶誠恐稽首頓首上言竊惟治必稱乎堯舜典重明  
揚法莫善於夏商道公舉措曰選士曰俊士曰造士  
曰進士迨成周而名始分或孝廉或茂才或經術或  
詩詞歷漢唐而制各異求治惟斯為要得人自古稱

難士習日滂賓興風邈書生見陋謾誇車馬之榮學  
士才迂濫預瀛州之選仲舒之賢良非偶策負天人  
劉蕢之忠直堪嘉才遺甲第臨大廷而馬用宴幽江  
以何爲茲蓋伏遇○○○仁恕風鍾英明誕錫握  
乾符而御世秉離照以當天虎步龍行久識太平天  
子王馳帝驟載觀有道聖人納善如流求賢若渴星  
纏奎壁嘉禎曾奏於先皇光射斗牛文運復開於今  
日爰命禮闈以大比更煩宸鑒之親裁冀麟角鳳毛  
畢集三驅之網庶隋珠卞璞成陳九級之階臣蒙正

草澤寒儒貧且甘於白屋臣齊賢芸慙苦志選猶愧  
於青錢列其名約四百有奇究其實懼萬分無補豈  
期末品曲荷陶鎔何幸巍科均霑雨露合驪黃而並  
進紆青紫以同升籍紀金閨叨入英雄之彀名傳玉  
闕謬奔豪傑之塵鞢笏下九重倬彼雲霞麗彩絲綸  
揮五色燦然日月昭光瓊林與鴈塔齊芳杏錦偕宮  
袍並爛搏迅風而縱大壑竊效鯤鵬附鳳翼以攀龍  
鱗喜趨鸞鷲長安春曉爭誇闕苑仙遊太液恩濃共  
羨龍門客至直國家之盛舉信聖世之奇逢臣等敢

不矢登對之初心同心效用盡平生之學力協力宜  
忠分敵念以相從勵靖共而自敵仰副朝廷拔一二  
之望俯摠臣子報涓滴之忱伏願崇儒重道稽古右  
文化益普乎菁莪善不遺於葑菲撫五百年之昌運  
明良合而庶績咸熙保億萬載之丕基勲華協而休  
聲永播臣蒙正等無任瞻天仰聖激切感戴之至謹  
奉表稱謝以聞

詞

賀安東王夫婦壽詞

伏以龍光有奕 皇仁每篤於天親鶴筭無疆善慶  
具隆於王國頌呈山海歡溢寰穹豈惟甲子重新且  
是椿萱偕老人問天上儼然仙眷夷猶霞帔霓裳恍  
若蓬壺咫尺茲蓋恭遇我 安東守翁賢殿下睿誕  
屆諸昨歲方賀六旬 尊妃鄭氏老國母慈壽當乎  
此日復成雙羨信金枝玉葉之交輝羨寶樹瑤華之  
疊秀借厝百福同冀千齡統膝斑斕亨祿位更多男  
子齊眉琴瑟邁松柏將擬岡陵詳天人相與之幾符  
健順默成之理良由德蘊之共純以致休徵之畢集

忠良允協乎 帝衷諸藩寵冠惠濟幸綏乎民瘼合  
境生全親樓展省日夕虔如在之忱宗室敷榮少長  
洽同春之雅謙冲成性恭儉禔身穆生醴設勤劬卓  
矣聲稱士類梁圃簡侍密勿斐然文煥儒林某等躬  
逢盛際心切華封才非峽倒遙憐瀑布瓊霏采之苞  
儀高慕鳳屏壁拱挽盱姥以流觴挹姑泉而酌蕪  
詞勉就錦軸恭披不盡揄揚聊申祈祝扶桑之日往  
月來行見程舒九萬蟠菴之花成果熟坐看歲歷三  
千下情不勝欣躍顙埃之至 詞曰 瑞煙籠畫舜

樂臨薰奏玳筵開金盃覆正葵赤傾心萱紫宜男候  
聽璫階歡呼齊祝南山壽 天上蕊宮仙河開文獻  
四德全諸福奏莼實薦方新花甲週還再願年年滿  
堂宴笑長如舊 右調千秋歲

賀車南豐獎詞

伏以朝陽鳳羽飛健翮於清朝華陰蟬翼棲弱枝於  
平邑魯人既兆齊民於變恭惟卽諫議春涵車老父  
母臺下楚材岳降荆勛淵流縟翠萼於詞林光迴寶  
錦綵瓊英於筆宛藻逸潘花乃者得雋南宮才奮竒

於脫穎握符此邑遂効最於烹鮮鳴琴馴雉和聲化  
雨嘉禾生色清絕超遙臺月介貞儼雅書巖春蒲萬  
家開遍江城爽李震驚四野頓消陰壑妖魑故宜治  
行著於花封良猷騰於栢省者矣雖美未盡彰薦剡  
尚拘於期例然令終有淑 徵書端卜於年來河潤  
所及且切感孚政澤所加宜深愛戴顧輿情共屬好  
不讓於緇衣而下里是徵詞寔慚於白雪恭書短調  
用助歡聲 詞曰 花發正河陽處處錦舒霞燦早  
是東君賞識默與花相約本待來轉達青皇移植絲

綸閣爲要江城壯觀暫此栽培着

乞言狀

從姑山前峰書屋乞言狀

從姑山在盱江之南最稱名勝根盤土阜標聳巨石  
望之若屏豎几席儼足起敬至其下則穹窿爲懸巖  
巖前覆可竟畝風雨所不能及僧舊結屋爲寺寺極  
壯麗飛甍回檻延綠巖下幾徧故其時遊觀之士輒  
停憇寺中間一二探竒者亦東至秋澤洞南抵紫雲  
巖北望一線天而止其巖上諸峰則峭壁蒸叢莫復



近溪子文集卷五  
三九  
知所從入先考前峰府君以山去家里許自幼讀書  
其中得之故老相傳有方士緣崖直上艱險千狀自  
是鮮至之者嘉靖甲午寺災僧各四去前址鞠爲荒  
墟既十有餘禩庚戌夏先府君携不肖步自山麓時  
寺宇既燬巖洞廓如其上之奇峰危磴皆可歷歷指  
數且獲聞昔時方士緣崖之狀不覺神興飛動遂命  
僮僕披闢秦荆引綆巖端且上且憇於是取徑從秋  
澤洞而西至一線天峽中出峽綠石磴屈曲而升至  
天柱峰嶺蓋峽之東峰也其西則聳絕難至迺跨峽

爲橋以度復從天柱峰而下其東北則玉屏峰賓乾  
洞獅子岩迴瑯石蓮花崖雙耳峰諸勝其西南則雲  
芝峰依雲石步蟾石棋盤石紫玉圍諸勝窮探極覽  
允前所望而莫可即者皆玲瓏中通天竅旁達先府  
君亦喜動顏色大慰生平乃徐徐招集舊僧即故址  
葺長春閣以安龍像旁列數椽以舍緇流乃依岩下  
泉池結茆爲小齋歲時伏臘常携諸子姓棲息其中  
結里之者舊數十輩爲詩社清會宴坐外事了無相  
涉獨絃誦之聲時時溢於石外四方來學者聞風日

集辛酉巡撫浮峰張公檄有司扁其崖曰前峰書屋  
今先府君已矣而是扁屹然在望不肖恐無以承先  
德乃即其泉疏爲方池題泉曰王泠池曰浸碧恢擴  
舊齋中爲堂扁曰見雲堂前爲閣曰朝陽後爲軒曰  
潛光軒中有臺曰洗心臺傍有檻曰綠雪檻上爲冲  
虛巖爲印空石爲滴翠厓皆書屋中大觀也其左右  
諸勝亦稍增飾秋澤洞之前爲亭曰振衣後爲樓曰  
雙玉一線天峽中扁曰留雲其橋曰凌虛雲芝下泐  
亭曰得仙玉屏南爲閨曰屏玉洞天賓乾洞口架樓

曰儀鳳臺曰澄神紫雲岩前爲亭曰廓如步蟾石下  
爲蟾窟紫玉園亭曰坐春長春閣而下爲梧桐岡爲  
翫芳亭館曰涵春塢曰翠微聯絡高下咸先府君臨  
眺之區而與書屋相依並者也嗚呼茲山之奇肇於  
開闢然發揮創造實自先府君則屋而享之浮峰公  
德意亦未爲虛况先府君生稟天厚淳朴弗漓孝友  
之行可通神明雍睦勤儉風成閭里雖困踣郡庠未  
獲一第然自弱冠聞臨川饒行齊先生講良知之學  
即走百里相從不舍學脉流通至有旣今日先府君

亦未爲無功焉然不闡往行以彰來許非藉大方名言莫能也是敢畧陳景跡爰著于篇伏冀憫念爲私垂光藻翰用珍世世焉存歿啣幸其有既耶

從姑山乞言後狀附

羅懷智

粵昔耆儒碩彥寄跡名山潛形古嶠名與天壤相敵者蓋由孤標雅操養重當年亦以蘭言桂椽留神不朽若廷琦之高雀臺佺期之重邛山崔顥之詩鶴樓羲之之記蘭亭一經名翰萬古流輝出川注色良有以也余盱之從姑羨擅東南枕江干而屏漢冲海內

稱大觀矣若夫佳氣之鬱葱竒塊之突兀雲亭之幽棲梵宇之壯麗而太史胤昌王公紀遊一篇中丞方湖王公姑山二記披圖掇拾盡之矣不肖智何敢贅贅第揆厥所自通堙宣鬱始于曾大父前峰公讀書於山之巔大父迺溪公從而光大之甲辰領春薦歸而潛養于斯山十年逮癸丑方就 廷試自幼學以至致政倡學其中偕伯父復初公先父玄易公一志同心延集四方志學之士披屐裹粮環聚而業學者朝夕不下百計嘉靖辛酉中丞浮峰張公聞大父第

子益盛下有司議命納價給帖永爲羅氏祠基而環  
買民山槩有捌拾捌畝遂標奇豎異鐫石鏤山構榭  
鑿池植叢繪宇爲天下奇觀海內人士探奇覽遠尋  
巖涉巘負疏載酒者連絡無虛晷與匡廬鹿洞並秀  
爭雄寧不干載一時哉然氣有盛衰機相響應萬曆  
戊子五月姑山折角疾風震吼而大木蹶拔百餘株  
王泠泉枯竭無餘滴是歲大父九月二日曳杖告俎  
神寂之時步天橋坊崩裂下墜彼此機相應速若持  
左券不爽然自爾景物蕭條山川失色不肖智撫景

傷懷寧不愴然悲慄然懼兢兢以隳先德爲憂哉時  
方寥落人心不無睥睨之萌不肖智徬徨三有所請  
幸憲使王公郡侯孟路鄒公一時協心嘉迺世績大  
立明禁以杜不虞甚盛心也且更白業堂賜其額爲  
正學書院四方門徒奉豎近溪公木主祀於中堂是  
日縉紳學士名儒俊彥車騎冠蓋相蔽原野山靈頓  
爲之絢彩而我憲使郡侯嘉惠先人垂憐孤疚者誠  
休且渥矣不肖智詎敢忘所自耶祗以玄帝殿右創  
造額焉啣恩祠祀以中丞浮峰張公報其托始之休

德祀以憲副睿齋王公郡侯毅餘孟公漢畦路公齊  
雲鄔公大其再造之洪恩永識不忘瞻拜其下者使  
飲芳泉而知其源矣追涕二父愷悌接人之和德爲  
來學之梯航不恐遽我祗以冲和石室昔爲二父修  
真之處秀麗甲於他所偏其廬爲羅氏二子祠春秋  
薦蘋藻用展孝思於不匱度幾盡其情於萬一而我  
大父諄諄遺命爲生平之所注精者不至旁落不收  
也敢曰敬承先德如學憲虞對朱公之所云云乎哉  
不肖智媿施無地矣嗟夫山之奇固矣靈則藉名賢

以寄奇勝則資名言以增奇自古彪炳未易以更僕  
數不肖智固稚魯猥瑣無足齒錄第大父始有乞言  
垂老而未竟不肖智撫斯遺編勃然興其未竟之想  
而大方碩彥倘不靳名言揮題隻字不肖智奉之若  
拱璧襲之爲世珍付剞劂氏鏤之集中以廣其傳匪  
惟姑山益增而高而先德藉手以垂不朽也夫

銘

屏銘

屏之外坦乎亨衢我反而觀匪義邊趨屏之內肅乎



